

STYRESAK

GÅR TIL: Styremedlemmer
FØRETAK: Helse Førde HF

DATO: 24.08.2020
SAKSHANDSAMAR: Arne Skjelten
SAKA GJELD: **Bierverv i Helse Førde - status**

ARKIVSAK: 2020/6085

STYRET:
Styret i Helse Førde HF

MØTEDATO:
02.09.2020

STYRESAK:
052/2020

FORSLAG TIL VEDTAK

Styret tek administrerende direktør si orientering om bierverv i Helse Førde til vitende.

Bakgrunn for saka

Våren 2015 vart det gjennomført internrevisjon av arbeidet med bierverv i føretaka i Helse Vest i samsvar med vedtatt revisjonsplan.

Hovudkonklusjonen frå revisjonen var at Helse Vest har retningslinjer og system for praktisering av regelverk for bierverv, men at intensjonen om å ha eit system for registrering av bierverv som sikrar ei fullstendig, gjennomsiktig og lik behandling av bierverv ikkje var realisert.

Internrevisjonen tilrådte ni tiltak for oppfølging i føretaka.

Internrevisjonsrapporten og tilrådte tiltak for oppfølging i føretaka vart handsama i styret i Helse Vest RHF, sak 086/15 og i styra i føretaka i Helse Vest.

Styret i Helse Førde HF slutta seg til framlegg til oppfølging av revisjon bierverv i sak 055-2015A. Føretaket har etter dette innlemma tiltaka i arbeidet sitt med bierverv.

Oversikt bierverv i føretaket

Helse Førde HF sende våren 2017 ut rapport til klinikkdirektørar om søkte/melde bierverv ved alle einingar i føretaket, med spørsmål om dette gir eit rett bilde av status for bierverv ved den aktuelle eininga. I tillegg bad vi klinikkdirektørane oppmode om at dersom nokon ikkje hadde søkt om bierverv så vart det gjort, samt minna om å ta opp bierverv i medarbeidersamtale.

Bierverv er òg lagt inn som emne i førebuing til medarbeidersamtale i kompetanseportalen. Sidan det for dei fleste ikkje er krav om gjennomføring av medarbeidersamtale oftare enn annakvart år, vil mest truleg effekten av dette ikkje kome til syne før etter ei stund.

Hausten 2018 sette styret i Helse Førde bierverv som tema på dagsorden, og bad administrasjonen sikre at det vart gjort nok for å få registrert rett tal bierverv i systemet. Blant tiltaka som vart gjort framlegg om var:

- Utarbeide eit eige informasjonsskriv – 1 side – som skildrar kva bierverv kan vere, døme på bierverv og kva som bør registrerast
- Informasjon i MIN GAT (der lønsslippene ligg) om registrering av bierverv
- Tema på leiarsamling i Helse Førde
- Inn som tema på Helse Førde sitt leiarutviklingsprogram
- HR-rådgjevarar deltar med informasjon på klinikkråd, avdelingssjefsmøte og enkelte avdelingsmøte
- Ny artikkel på intranett
- Mail til alle leiarar i Helse Førde omat det er viktig å registrere bierverv.

Etter iverksetting av fleire av tiltaka over, samt utsending av rapportar, med påfølgande påminning frå leiarane, har talet på medarbeidarar som har meldt bierverv auka.

Frå uttak rapport/sak i styret 2018 til ny rapport august 2019 kom det følgjande nye søknader om bierverv i kvar klinikk:

| | | |
|---------------------|---------------------------------|-------------|
| Kirurgisk klinikk - | 15 nye søknader om bierverv frå | 11 tilsette |
| Medisinsk klinikk - | 4 nye søknader om bierverv frå | 4 tilsette |
| Psykisk helsevern - | 8 nye søknader om bierverv frå | 6 tilsette |
| Stabsområde - | 7 nye søknader om bierverv frå | 6 tilsette |

Frå uttak rapport/sak i styret 2019 til ny rapport august 2020 har det kome til følgjande nye søknader om bierverv i kvar klinikk:

| | | |
|---------------------|---------------------------------|-------------|
| Kirurgisk klinikk - | 42 nye søknader om bierverv frå | 34 tilsette |
| Medisinsk klinikk - | 8 nye søknader om bierverv frå | 5 tilsette |
| Psykisk helsevern - | 3 nye søknader om bierverv frå | 3 tilsette |
| Stabsområde - | 10 nye søknader om bierverv frå | 8 tilsette |

I same periode har nokre få bierverv gått ut (godkjenningsperioden er passert – søknadsperioden er ikkje utvida).

Per i dag er det samla meldt 131 bierverv, mot 104 ved sist teljing. Det gir ein auke på 26 prosent.

Det er 99 medarbeidarar som har registrert bierverv mot 78 medarbeidarar ved sist teljing.

Det er ikkje gjort endringar i retningslinjer eller praksis for handtering av bierverv.

Meldingar frå arbeidstakar i meldings- og sakshandsamingssystemet gir ikkje eit godt nok grunnlag for kategorisering av bierverva i alle høve. Under følgjer oversikt over kvar dei ulike grupperingane (aktive) søknader om bierverv (63 stk.) perioden august 2019 til og med juli 2020 er sortert/registrert i.

| | |
|---|----|
| Andre føretak i Helse Vest | 4 |
| Andre offentlege helseføretak | 7 |
| Anna | 17 |
| Ikkje helseretta verksemd | 12 |
| Offentleg/ privat ikkje helseretta verksemd | 0 |
| Primærhelseteneste | 11 |
| Privat ideell helseretta verksemd | 3 |
| Privat kommersiell helseretta verksemd | 5 |
| Privat legekantor m/allmennpraksis | 2 |
| Universitet/ høgskule | 2 |
| Verksemd med driftstilskot frå Helse Vest | 0 |

I desse tala ligg også søknad for perioden som enno ikkje er godkjent/behandla.

Oppsummering

Rapportar viser auke i tal registrerte bierverv i 2020 samanlikna med 2019. Det blir i klinikkane sine leiargrupper informert om retningsliner for bierverv. HR vil halde fram rutinen med å sende årleg rapport med oversikt over bierverv i klinikk til nivå 2-leiar, samt arbeide med å få korrekt registrering av bierverv. Retningslinene knytt til bierverv vert vidareført. Det er ikkje kome tilbakemeldingar til Helse Førde frå Riksrevisjonen i samband med kontrollen av helseføretaka si handtering av bierverv.